

盤洲文集

二十二

蘇州文集卷第五十三

賀何樞密啓

賀何樞密啓

伏審寵傳鳳詔位陟鴻樞天子守在四夷方底修文之盛公輔間于兩社允資同德之良帷幄有光紳綏相慶恭惟某官人倫儀表天下中庸堯醲舜薰絕翰墨之畦逕周情孔思酌道德之淵源以歷通津荐居言責丹旆掌受書之柄絳騶揚清路之威志在擊邪如鷹鷂之逐鳥雀事先去其當豺狼安問狐狸輟自南臺進登右省身享懷金之樂人歆執玉之榮簡求茲得於真賢康濟益隆於極治蓋一國之慕巨室為政不難惟三公上應台階斯拱而埃某竊觀除日偶抗塵容削牘傾心敢贊典讖之喜捉衿接武莫勤倒屣之迎

與交代石監丞啓

伏審瞻天拜命暫違金馬之班消日治裝來佐銀菟之政搖心比屋企踵前騶恭惟某官量賦登闕識該貫變振魯叔復興之學讀黃童未見之書六翮高飛三科連中酌淵源於道德異乎綆短而汲深煥星斗之文章所謂上寒而色正紙見洛陽之貴馬驚異北



之空既發穎於俊躔遂躋榮於華綴前主所是著爲
律爰筆削於金科三人同行必有師父範模於玉葉
旋奉虎闈之寵共期鼇禁之游何挺特之英姿顧翺
翔於半刺雖山登桐栢有仙跡之可尋而社接枌榆
宜民情之素習政恐賜環之趣不成煖席之期某一
別瑤林五遷緹齋詞壇給札嘗叨采菲之兼收郡壘
題輿不意積薪而居上况甲族有親草之舊復周行
依蔭樾之餘逮茲糠粃之揚實賴瑾瑜之匿披承云
邇欣慝惟多更畱冲襟益叢嘉祉

荅謝將仕投贄狀

梁劉士五十二

二

魚正

講聞雋譽願挹令儀辱謙牧以光臨賁牋函而下問
雖成蠅誤墨昔嘗被羽以先登而得魚忘筌無復傾
困而羅進益媿瓊瑤之報第榮錦績之藏

謝人投所業狀

比厚光臨寵詒雅製抽琴命操詎知山水之音下筆
成章有醜瓊瑤之報

謝人惠生日詩狀

特勤都騎寵况佳篇牛斗不神媿名聲之何有參辰
相比觀光焰以非常退惟褒拂之私良積感藏之厚

謝人惠生日詩狀

男子占能巖之祥猥勤齒錄美人贈錦繡之段益貴
身榮方下拜於緘封將永藏於巾衍

賀胡提舶啟

伏審疏榮細札拜職輶軒傳聲五嶺之南講德百僚
之上恭惟某官軼材兼美達識不群抱圭璧之瓊華
探簡編之奧府以居別駕深鬱遠圖茲奮遷於星輶
來典司於浪舶惟犀象珠璣之濇置使匪輕非山林
川澤之饒輸公有限必賴筭鞭之智自多航海之珍
僉曰得人可以利國第恐注思於宣室靡容留憇於
外臺某夙仰光塵未親警咳豈期留落於此乃得併
幪之依敢寓意於書郵庶聞名於記室

洪州文五十二

二

頁正

回廣州羅通判啟

伏審受命監州治裝踰嶺咸驥肩於英矩已傾耳於
先聲伏惟某官學擅紛綸才誇典麗嘗因野鵬而作
賦復爲仙羊而拜官荐在題輿不辭叱馭來康南海
少煩別駕之功入拱北辰高應列星之位某暫緣攝
事將獲承頽書記翩翩媿報章之不敏行邁靡靡願
旅食之益調

賀餅州洪郎中啟

伏審眷深前席寵拜左符燕寢棠陰方畫戟新臨於

風月蜚洲芝嶺皆繡衣舊領之山川初布教條遠聆
謳頌恭惟某官書輕倚相識博胥臣超卓見聞束春
秋之五傳增多訓故說離騷之一經網羅闕里之蟬
嫣是正昌黎之魚魯沛然學問籍甚聲名開天祿之
陳編光分太一賜隄慶之佳墨文應列星迺持刺舉
之權常奉平反之矢賣劍正傳於淮甸夢刀復至於
江城召王褒而作詩將聞宣室見蓋公而問治欲避
正堂即有褒綸入參禁橐某昧違之久慕仰益深頃
講宗盟不弃它揚之謀茲叨河潤尚稽維梓之恭歲
事向闌郡章多暇願謹鼎裊之節益隆襟履之休

慶州三十一

四

魚五

賀肇慶劉守啓

伏審䟽榮象闕作鎮龍藩瓜戍指期允協東龜之吉
榮陰留景已傳今綉之誥恭惟某官至德中庸大雅
宏達圭璧豈迷邦之寶榘栴推聳壑之材蚤馳問於
朝端復承流於嶺表揚仁風於贈扇來福遐萌沛甘
雨以隨車遠追前躅即聞異政遂下褒綸某甫聞芝
眉密叨樾蔭揚衡賓閣莫瞻五馬之尊寓意管城奚
報雙魚之遺

回鄭德慶啓

伏審承榮鳳闕宣化龍藩時望允歸風謠立振恭惟

某官襟靈磊落智略高明豫章呈聳壑之材大呂擅
尊朝之器久潛官海連把州麾硯臺方選於一錢錦
石又歌於五絳鹿効祥而夾轂不墜家聲擯務本以
賣刃益崇治行即聞褒召遂陟通階某頃際英躔獲
親清誨驥眉畫戟何因樂霧之披寓意短絨莫報卮
雲之賜

回曾解元狀

鏖鋒筆陣彼烏敢當我哉造榜文場無能出其右者
鄉評允愜儒黨有光先輩積思三都馳芬五領充物
簡編之讀優游翰墨之林文最善鳴白也詩曰無敵
言多實用詎之策豈略行瞻鴈塔之崢嶸指鷓行而
騰翥肯迺逢掖見賁長牋某久矣講聞欣然諧際攝
空泮水獲聞擲地之聲遠迹瀛洲莫快如墻之覩

回侯解元狀

爭鋒筆陣日五色以齊驅造榜文闡心三星而著象
聲馳粉社喜動蘭陔先輩韶濩諧音梗枿聳翰學周
公仲尼之道特立獨行右相如揚雄之風同工異曲
不輟夜分之習素高月旦之評果得雋於槐黃將策
勳於芥紫章章鴈塔袞袞鵷行某舊矣知名楚然識
面攝空未幾初非一卷之師挾藻肯臨深媿雙金之

報

回戴解元狀

爭鋒筆陣少陸機作賦之年造榜文闈冠王勃齊名
之傑聲馳里社喜動親庭先輩囊穎有聞席重是似
平時妙童子之作既擅價於彫蟲一日中有司之程
果賞音於雌霓不負槐黃之舉能收竹素之功唾手
魏科致身榮路某以欽警悟幸際清揚暫爾攝空弗
補撞鐘之問惠然摘藻有慚報致之章

回傳解元狀

竊審席珍長圃副嘉詔之延造榜外臺占賢書而
獨步它鄉改觀吾堂垂允先輩賦麗孔門氣廟屈壘
果見舊擅之得不負短檠之勤出月脇以蜚聲一枝
可折振風翰而借便萬里為程某頃幸承頽欣間中
的遂迂方履見詒金薤之辭不腆報章有媿木桃之
什

代人謝鄭漕舉改官啓

贊赤側三官之事浸及終更受皇華四牡之知頓增
倍價感藏心石喜動背芒竊以鳥有鳳而獸有麟咸
知為瑞木在山而馬在肆孰辨其良惟真賢司藻鑒
之公故後進得併蒙之託然錦心繡口者或有山川

之險而蠟言施貌者曷分珉玉之殊狐裘反衣而有
之栢舟不遇亦多矣取人失之子羽何以得才草奏
不如陳湯艱哉知已謂予不信從古以然如某者馬
走質凡雞尸用小自保歲寒之質未高月旦之評非
韞匱以求沽何席珍而待聘徘徊九品幾韓子之無
歸坎壈十年真釋之之不調偶銅山之設屬致菽水
以奉親刺史部州十三自慚黃綬城南去天尺五莫
借丹梯初無鸞鷟為鶴雛之稱安得蚍蜉蟻子之援豈
期內舉獲廁下陳某官濟美荆門奉芳聖域專繡斧
振威之任紹緇衣好賢之宜君子存心旣埋輪安問

蘇州卷之三十三

六

年五

當路執事過聽乃推轂不未其言何知桃李之陰近
在瓜葛之末某敢不服履道律已官箴巢寄一枝
不作南飛之鵲印垂三三燕鳴三顧之龜

代承務郎謝梁侍御舉世陞啓

曳裾求見偶志目而中眉刺饋受知遂鑽皮而出羽
有識相慶無言可酬竊以國家崇紫橐之班三年使
之延賞銓選厄綺襦之路五官然後陞朝已離竹馬
之遊真作土牛之鈍歷倉氏庾氏之職至于再三合
社郎廟郎之負動以千百抗塵竟走於俗狀累日未
離於小官惟寸進之艱難曷丈量其長短黑頭年少

誰稱釘座之梨白脚門生寧望迎霜之兔儻非論薦
孰得甄外如某者播木弃材豨豶下品學未知於習
是文不造於紬竒良冶為裘莫繼槐花之舉尚書給
札空慚棣萼之編猥以門資廁于仕版已分為國舍
虞比之伍見譏於封胡羯末之間敢希弊帚之千金
自嗟駑馬之十駕才不才各言其子方景行於芝蘭
幼吾幼以及之人遂兼收於非寵踰意表喜溢顏
行某官江左興王之臣山東稱國之種龍返鄉而蛇
得露首佐命以負羈魚縱壑而鴻遇風以論思而簪
筆進人將加諸膝慕才而貴其身分濁涇清渭之源
賞流水高山之志刻畫亦及盤跚某敢不劇
囊箱游心刀篋有絲麻無弃管蒯仰哉恩投桃李
報之瓊瑤誓堅後効

代徽州尉上太守啓

仕而求祿腰黃綬以遵期我獨有天目朱轡而結想
將承顏於旦暮敢問評於寒溫伏念性不逮中技惟
每下以焚膏而繼晷非藏器以待時鯉退學詩恐墜
過庭之訓孔門用賦妄希入室之工屢踏槐花晚穿
楊葉脫白丁而釋躋齒黃甲以彈冠方塵九品之微
復占百僚之底一行作吏未伸北部之威三釜及親

獨喜南陔之養問津始均庇甚優恭惟某官識冠
倫魁學窮淵奧珠藏璧韞曠千載而流光鯤化鵬飛
搏萬里而直上未登金馬聊佩銅魚惟大賢無所不
容故小人恃以不恐併懷有賴捶楚可逃敢不律已
官箴游心吏道牛刀而割雞未用敢追頽籥之風鶚
薦而累鷲不如尚冀孔融之鑒

又迎新守趙監丞啓

紫禁疏恩榮佩左符之重朱轡戒道聿嚴前弩之迎
老稚知歸封圻改觀凡叨屬吏倍激歡悰恭惟某官
川嶽靈暉鳳麟三節而出神明之貴曾負標的之清規

慶州

卷一

七

五

德備忱恂獨樂事之善學該貫變盡讀河間之書
蚤擢巍科浸躋臚仕自典尚方之職益宏大雅之休
肆外闕中論議宗室光前絕後名聲顯於朝廷
暫違金馬之班荐銀菟之寄治裝伊始流化有期
幸此富州得依慈公雖叔度之來何暮式佇袴襦胡
陸君之去不留弟光衣佩使幼女復興於孝行豈小
人敢致於私情蓋知善賢政在今日恐棠陰之未久
即芝檢之鼎來其赳赳凡姿倥侗晚出賦鼠窮之短
技守狗曲之淺聞屢踏槐花偶穿柳葉初占百僚之
底未閑三尺之從仰恃併懷庶逃捶楚信眉自慶將

逢流水之知引領方勤佇使青天之覩

代齋長見新教官啓

仰如北斗夙裝蹈景之懷志在高山將遇知音之聽
敢修尺楮庸布寸心伏念某胄本單平稟非竒卓夏
弦春誦空坐對於矩檠朝蓋暮益幾悲歌於長缺溯
關川而泛梗樂鄱水以采芹濫陪講說之儔幾有切
磋之善中焉行役迭矣滯留復尋仲蔚之居已失邯
鄲之步處齋房之前列曷足長人直橫舍之攸司猥
令代匱方赴槐黃之舉安希芥紫之榮欣哲匠之鼎
來冀頑貧之速肖大衍掛一庶窮犧畫以東歸宵雅

肄三或俟鹿鳴而西笑夫何僥倖有此際遭恭惟某
官學博五車文兼千彙燕之角荆之幹獨擅美材湯
作漢爨作韶宜薦清廟屢鼓詞闈之氣益馳藝圃之
名驚大器之晚成使景星之爭覩廣庭首唱諸老先
生未能言便坐口談當時弟子有所記三歎坐擅之
冷以期朝席之重即有褒綸入躋華綴遂袞袞青雲
之上豈鬱鬱絳帳之間尚容負笈而前少遂撞鍾之
叩某自鞭十駕願反三隅問鑄金得鑄人已獲求師
之益若食雞必食跖終收善學之功

代董承事以百一歲得官謝縣令啓

蘇州文集卷第五十四
啟三十一首



代廣東帥屬謝帥啟

問津黃木之灣甫窺官海竄籍紅蓮之府仰泛恩波
即尸素以懷憂敢殺青而通謝伏念某稟生椎魯探
道艱難拜千佛之經莫能趾美聯五星之集有媿齊
稱學書既已不成爲器遂同無用濫塵官簿空積歲
躔因定省於親闈遂徘徊於炎嶠歎庸材之墻面筮
臚仕以灰心臨淵羨魚初覩叢祠之末秩乞漿得酒
乃叨戎幕之下陳徒誦過庭之詩未閑作吏之事無

蘇州文集卷第五十四

片長可勝任使奈挾見不足激印非賴包容難逃汰
斥恭惟某官雕龍傳學此三三光蜚妙譽於簪紳補
嘉謀於帷幄課先撫字聿高佳竹之分志在澄清克
受皇華之遣荐佩十連之寄歷提五管之封里詠塗
歌已洽袴襦之樂山行海宿寂無枹鼓之鳴宜錫詔
綸入持從橐豈令賤子以託餘輝某率爾彈冠欣然
望履見父之執方自躍於鑪錘御衆以寬願少私於
轡策

代高要丞上鄭守啟

鋤口四方安發彈冠之請庇身大邑叨居漆筆之官

正結想於高牙輒露情於小牘伏念某學初茅塞識
遂棗昏語寧反於三隅能不名於一藝白駒過隙雖
抱子以何知黃金滿籬在傳家而有忝亦嘗諾仕纔
得奉祠方九重天遠念於澤南故黃尚戶縣皆爲之立
貳首令攝事未通爲政之經足以送窮不勝負公之
媿赳赳欲進瘰曠是憂仰庇卿雲豈無道地此蓋某
官鵬圖擊海鶴瑞鳴臯獨鍾喬嶽之暉共推清廟之
器荐都顯職大播休聲瑞旣協於夢刀仁即揚於贈
扇葱蔥王者之氣夙重潛藩廩廩君子之風幸追顯
祖惟陂量兼容於弱更庶軀生得視於龔丞某整楫
之行敢不盡力

代封州簽判謝帥啓

鋤口遐方岳發彈冠之請庇身近郡叨爲入幕之賓
仰載厚恩敢通小牘伏念某學初茅塞識遂棗昏語
寧反於三隅材不名於一藝白駒過隙雖抱子以何
知黃金滿籬在傳家而有忝亦嘗卜仕纔得奉祠頃
辱外臺俾丞大邑偶黃茅之感瘴致行李以愆期仰
惟元老之尊獲遇丈人之行進瞻步武幸披霧於公
曲賜齒牙遂回春於寒谷殆類塞翁之失馬自驚

龍伯之得鼈惟有感銘莫知論報此蓋某官包羅間
氣貫綜多聞闔紫闥之榮途贊黃樞之密議始居輔
郡無庶民愁恨之聲暨擁使輶有天下澄清之志遂
臨八桂即詠兩岐旋出綉於西垣迺建麾於東廣寬
猛相濟蔑懷市虎之疑剖決如流不事淵魚之察俯
憐窮蹇遂致僥逾某不度畏簡書力鞭駑鈍量長校
短雖無尺寸之能抱公滅私或覲涓埃之効

代謝吏部李侍郎啓

把麾五領已銷西道之聲出綉九重復玷東偏之寄
裝懷增懼揣分知歸伏念某業守青箱用慚赤符前賣

刀買犢荐辜銅虎之分輓粟飛芻未達木牛之運
人久矣奏課缺然恐獲戾於備員忽拜恩而更治仍
躋延閣併寵襄蹤此日集衙無聞名之龍戶定時報
政空貽辱於羊仙僥倖如斯吹嘘有自此蓋某官量
侔山藪識蘊蓄龜蚤知藉稻之文獨富粲花之論主
刑仁恕議者謂過于張典選清平人曰後有盧李夙
懷推輓共賴主盟惟曲賜於品題致連叨於任使某
自閩星躔之覩屢驚斗柄之移軟水易心益厲吳公
之操薄征竦目仰師韓子之言

宮使梁尚書啓

某官生逢慶會譽滿華塗有燭照龜卜之明兼地負
海涵之量得劉晏之取予任蕭公之轉輸足用地官
斗筲之徒何算也伸威天府銖兩之姦皆知之蚤聯
職於寶儲暫均休可珍輝涵司推輓共賴主盟載惟
鼠技之窮夙受鸚書之薦傳之羽翼賜以齒牙獨私
華袞之榮纓遇高山之聽致叨任使盡出吹壺某敢
不拔薤抑強酌泉厲操可繼宋璟盧奐仰前芳失
之子羽寧予益慙厚德

福州張侍郎啓

某官量賦登閔識周賈蘇味道腴於七略包文體於
百家曲臺高稷嗣之除起部遷郎潛之列益崇畫接
疊慶歲遷內舞舜干仰仁天而簪筆出懷蘇印冷惠
露以隨車積有功能著于中外撞牙桂管嘗復借於
寇君徙節閩川歌晚來之賈父自顧散樗之質夙游
棲鳳之林惟接武之好尤深故推轂之言益過致叨
推擇有辱品題某心係重階誠殫小牘準程前哲欲
厲操於貪泉寤寐清規庶免愆於官海

回李惠州啓

伏審懷章去國式臨瓜戍之期森戟專城將丈棠陰
之訟遐萌相語慈父斯來伏惟某官德宇粹溫風規

高劭蚤擢奉常之第宜居著作之庭既在苒於歲年
尚棲遲於簿領以名字而典郡允得循良有方略以
爲民自然富庶治行聿追於召杜歡聲將軼於羅浮
某頃接班聯浸睽顏采方喜戒途之報已勤削牘之
音書細十行即遠盼於襄詔河潤九里猶少借於餘
波

問李虔州啓

把麾五領已銷西道之聲出綺九重復玷東偏之寄
甫恭朝夕遙問寒溫某官學富家傳言推世則自奉
專城之計遂深當宁之知刺史省以六條夙稱桂海

盤洲志卷十四

五

步祖

天下號曰八俊益振荆湘來司章貢之權兼用黃韓
之化紀綱大舉謳頌載騰爲官乎爲私乎變貪殘於
一問行山者行澤者熄椎剽之群驚治已疏於御屏
寵將持於從橐某受材甚下任職無長方軫慮於謹
何忽冒榮於推擇退惟僥倖端出品題念平生雲霧
之披獨彼此參辰之闊雖烹魚狎至有踰從事之賢
而覩鳳後期未降君子之見每溯洄而結想空蹈景
以興懷比獲守於郡封迺密切於鄰實相依唇齒願
投分於蘭金敢布腹心幸據誠於藥石

謝温南劍啓

把麾五領已銷西道之聲出綈九重復玷東偏之寄
顧薄材而知懼枉榮問以增慚此蓋某官學博書倉
識窮理窟蚤擢奉常之第旋陪中祕之游武成之策
二三盡讎譌謬犍爲之磬十六能考異同已垂上於
雲霄迺遠分於符竹物華天寶神龍潛合劍之津里
詠塗歌黃犢化佩刀之俗夙保歲寒之契獨私月旦
之評遂致迂踈猥叨推擇某睽離久矣瞻溯蒼然書
記翩翩若高談之對面故人戀戀真清誨以傾心

回陸全州啓

朽質叨榮已佩五羊之印高情贊喜復貽雙鯉之書

陸州之口

六

古正

謙謙仰君子之風戀戀深故人之意某官機雲家世
召杜材猷燕寢清香寂棠陰之少事蠻溪蒙族無薤
本之可除當翱翔金馬之間豈留滯銀菟之久某馳
心英矩引脰崇墉遠矣嗣音願瓊瑤之何報使之免
屢幸藥石之不忘

回蔡學士賀生日啓

侵尋晚景知牛斗之不神煥爛彫章仰參辰之相比
倍戢深仁之眷益增初度之光恭惟某官瑞企清明
氣涵剛大表表出塵之逸韻英英秀世之芳規隱帙
奧篇讀黃香之未見鴻詞麗藻稱王翰之可珍久肆

志於林泉自怡情於風月夙蘊愛人之德獨存介壽
之心術爲初生發六難之一言假借或松柏之後彫
士襲祕藏頌瑤瑤之匪報

回湖南韓總管狀

三領作藩已銷聲於西道九重錫命遂更治於東偏
一室之未通迺音郵之先及某官識探李法名擅
之鄉國士無雙有登壇之臯祖一人當百多戰野之
庸公輕裘夕撫於龍川精甲暫屯於鄂渚願惟絲薄
方媿叨逾操筆覩然莫報翩翩之間接評遠甚空深
耿耿之思

登州三十一

七

卷九

回知州惠生日詩狀

定三百六旬之曆會遇生朝知四十九年之非侵尋
晚景曲荷松僑之祝光垂李杜之文伏惟某官撫字
知名中和興詠聽訟美甘棠之越勸耕傳岐麥之歌
性不違仁語皆揚善其詩孔碩壽欲俾之熾昌何德
以堪榮但深於藏去

回趙新州狀

竊審影纓西笑小連象闕之行理橐東來暫攝魚符之
事先勤榮許足見高情伏以某官名擅宗英才推國
器九流索隱能讀河間之書千佛聯芳同射平津之

策蚤傳諾仕已歷專城置任棠之孟清哉若水贈表
宏之扇仁者宜風行將擊柝之間猶限盍簪之阻

回廣西帳幹狀

半年懷舊常望岫以馳心千里寄聲若飛談而對面
深銘永好采激私情某官韻秀朱霞才淹綠水傳慕
中之辯是謂能官流地上之錢共推善計念斯遠別
失我良朋枉蕙牘之鱗鱗媿報章之葦草

回潮州沈通判狀

竊審拜恩中禁贊治偏城枉雲翰以見詔停星屏之
甬至某官聯橫許郭方駕曹劉蚤擅價於俊躔久韜

橙洲卷十四

八

卷十四

光於仕路居展驥之任寄寔重於監州誦訓鯁之文
功正煩於康海念聞名之有素曾會面之未能不腆
報章奚酬雅眷

回鬱林知州狀

睽闊清談屢閱飛葭之變周旋雅好遠承裁楮之臨
某官養氣渾雄存心撫字此時褒詔賜黃霸以兼金
它日編舟載陸君之一石念披瞻之未再徒結約以
弥深

回周貴州謝到任狀

竊審承流蟬水既鱗魚書攝事貴川之懷舉印某官

風儀清整器局沉深歌麥兩歧前乎既聞耳矣拔薤一本今者復盡心焉即有褰綸入登華綴曲枉翩翩之遺第慚草草之酬

回趙賀州謝任滿狀

竊審解龜古郡鞭鳳身衢曲垂問評之勤益佩論交之厚某官材椎標的學載本原比及三年已見與求之政統如五鼓不勝挽鄧之情名已列於御屏榮即躋於省闈邈爾承顏之便悵然引脰之私

回范總幹狀

竊審流恩雲闕列屬星臺已協吉於戍瓜遂寄聲於

行李某官風儀秀峙器宇淵深有家學之相傳更非材之是似足兵重鎮吐計畫於幕中退食私闕奉皇華之膝下增益過庭之誨軒騰當路之知念昔桂林寔望蓮府睽離既久瞻遡靡忘情非鹿鹿之交禮重鱗鱗之貺

回汪經幹謝舉削狀

征茅引類實採公言摘藻鳴謙難當私謝某官淵源賦學通敏呈材久贊外臺又屈紅蓮之佐尚淹小選未高碧落之飛寶雖識於照車言媿輕於推轂曲承榮訐深載勤情

回石縣尉狀

竊審青錢中選黃綬榮歸喜動親闈光生里閭某官
識探理窟學富詞源廣陞臚傳共仰鷗鵬之化遐方
諾仕難淹騏驥之馳益載休聲遂階要路未皇贊喜
已辱貽緘

回封州教授狀

竊審瓜時蠲吉并泮恢文枉兼牘以見詒佩高情之
良厚伏惟某官學能日益辭不雷同早聯千佛之名
已得群公之譽當聖主大崇儒術故遠方皆置學官
坐絳帳以談經少煩模範登金門而奉詔即見羽儀

盤州三五二四

十

芝祖

懷雅論以傾馳媿報章之崖略

回鄭德慶啓

竊審治聲夙著靡俟造朝吉語載馳復欣典郡方一
麾之宣布宜千里以謳唵某官西都循吏之孫元祐
名臣之世論議共推於魁壘典刑可見於老成未據
經國之材獨紀牧人之効向來剖竹乃

先帝之潜藩今日憩棠文

吾君之舊邸惟兩城之相接在五領以稱雄必有異
能遂看襄渥某班荆未幾紆軫已深聲迹相聞斯不
踰於數驛簡書可畏尚有賴於餘波

回陳英州狀

比承謙誨欲得刻章寔循三尺之文重屈雙函之禮
某官彰名鴈塔鏗采藍田麥秀兩岐已藹聞於善政
河潤九里更密借於餘波將滿秩以趨朝遂正名於
典郡難虛爵里之辱漫備銓曹之須豈題拂之敢云
蓋扶搖之可俟

回潯州知州狀

遠踰五嶺榮把一麾得之源聞無不稱頌某官包淵
深之度負超卓之材既問政於蓋公欲追蹤於
沛隨車之自東漢揚贈扇之仁風芬芳大播

盤洲文集

二

九

行當簡拔夫豈淹徊念講於英聲曾未陪於雅論
頃傳得郡將期王事之同偶玷移藩遂有鄰封之隔
聊通柔削莫報珍題

盤洲文集卷第五十四



蘇州文集卷第五十五

賀廣西向運使啓

賀廣西向運使啓

伏審出綸內闕乘傳外臺騰八使之風聲威行荆渚
指二天之星次光燭桂林朝野僉諧江山政觀某官
韜藏遠業充牣多聞才擢隨和擅當今之奇寶聲諧
韶濩傳上古之雅音飽說吏師獨優才具政管喧於
歌袴名屢振於埋輪尚遲金馬之游復領木牛之寄
用知取予維出入錢穀幾何志在澄清豈奉行文書
而已寧容煖席即見賜環某夙綴末交浸睽英範偶
剖竹有善鄰之賴更揚糠粃一事之慚敷枉論心徒
起仰高之恨裁緘寫抱莫酬問訂之勤

回劉肇慶啓

伏審瓜時而往懷印綬以臨州轂且于差擁車轡而
夾道厥初班錄咸有謠吟伏惟某官學考聖賢望尊
耆舊試吏見慈祥之政濟時懷超卓之材出魚契於
九重鎮龍藩之千里昔濡今絳已騰蜀郡之誣右粥
左餐可遂蔡人之樂行將促召夫豈久留某近枉高
軒遂承英範唯鄰是卜幸借潤以靈河無言不驕聊
嗣音於芳牘



賀胡提舶交割啓

伏審戴星叱馭消日視章咸屬甘於前騶獨驥眉於
英矩伏惟某官居今行古肆外闕中裂支製於塵埃
久臍膺仕分茗溪之風月屢贊名藩遠將五嶺之權
盡幹萬商之貨允謂濟時之彥斯多航海之珍即恐
賜環豈容暖席某自聆顯綽賞真柔緘喜聞持節而
來時乃把麾之幸萬事不理待伯始而可知一坐盡
傾傳孟公之將至更期冲盍式副瞻翹

賀余慶州啓

伏審疏恩中禁作鎮雄藩城郭重來指繡衣之理所

盤州卷五

兒童相記騎竹馬於道周初布教條側聆謳頌恭惟
某官圭璋寶器杞梓良材家學相傳無歆向異后之
論儒名夙就少甘竒顯赫之年復掉鞅於魏科浸著
鞭於要路臺綱大振獨高屈軼之名郎位有光嘗拜
諭糜之賜迺駐車於章貢革珥筆於筠素已見澄清
復將漕輓方造鷁而奉計又分虎以牧人所至移風
不事縫裾之策自公退食更多戲采之榮既久習於
民情且易臻於治效即頒綸綍歸待冕旒某偶玷郡
麾獲依鄰燭號五雲體雖屢枉郇公之書封萬戶侯
恨未識荊州之面

賀沈提點啓

伏審榮錫天書寵持星節立九府之園法久訪能臣
專三官於上林外兼數路郵音既洽時望收歸恭惟
某官英偉賦才淵閎置度糟粕不膠於紙上宮商皆
起於筆端鞅掌魚符有淮人之孺慕規恢驪駕無漢
士之色飢益懋簡知果膺顯擢廣攬纒登車之寄摠
冶鎔炊炭之司權子母之重輕少煩心計接夔龍之
步武即聽履聲某自閩台躔屢移斗柄皇華甚遠旅
進退以未能蔭樾焉依大謫何而或免

回陸提舉啓

歷州全志

三

三〇

榮拜明恩進膺褒擢一麾出守輟近郡之股肱四牡
載馳寄外臺之耳目郵音甫暨僉誦相歡恭惟某官
德粹珩璜學該竹帛雲間烜赫追入洛之清芬嶺表
崎嶇偃說佗之雄辯自結冕旒之眷見稱簪紱之英
久籍籍於仕途將駸駸於禁路朝廷深知治行連付
虎符原隰遠有光華暫煩龍節即仰北溟之擊豈爲
南越之留某幸綴親葦遂依蔭樾方捫襟而自喜將
聽履之有期牒許喧囂不敏寒溫之問山川跋涉願
言裊乚之調

回鄧漳州啓

拜恩丹宸宣化黃堂方增重於郡符已分輝於鄰燭
某官受材卓偉函器宏深蚤發策於儒科旋濯纓於
朝路連得三刀之夢尚煩雙戟之臨雪白蘭薰獨廉
清之名顯風行草偃即豈弟以政成行遂陟明豈容
歛惠某屢通聲問未際色辭頃接鳳毛斯見義方之
訓遠勤鴈足益知謙德之光

回寶賀州啓

顯差穀旦榮頊棠陰凡千里之提封皆一詞而詠德
某官聯珠傳葉片玉呈材力晞青史之賢荐拜朱輪
之寵馬如羊而金如粟清節素傳力買犢而劍買牛
之不腆

盤江之三

三

三

回徐通判狀

承榮北闕受任南州篤雅眷以相先飾珎騰而見及
某官軼材耀穎盛德照隣蚤馳黃綃之辭久載素絲
之節餞清橫浦謂盡展於鵬圖賁治三城又少煩於
驥足即聞改命豈復遠來念平昔之搖心獨差池於
會面偶分使竹喜傳半刺之賢尚隔瓜瓜恨失同寮
之便

回李惠州狀

竊審撫采名郡靡辭南嶠之行差擇良辰已協東龜之吉某官學充素蘊譽請清芬法任棠水薤之言略黃霸米鹽之細豐湖足樂頤何羨於谿堂法坐見思遂入翔於禁瑣少看游刃以候追鋒某密邇門關無繇談款亭瓜相接幸分餘燭之光行李游臨有媿雙金之報

回權梅州狀

比以偏城關守僉議擇人果得循良往甦凋瘵辱華緘之見及知善政之有爲欲腹供億之須既能身率不競追科之考更在力行

回南安知軍狀

聲聞擊柝如脣齒之相依情重財緘見肺肝之相示彌最能謙之德第增不敏之慚伏惟某官風規闡明德宇宏達夙著素絲之節遂居畫戟之榮比屋爭傳有去蝗之異政長城自衛却聚蟻之妖氛即聽褒嘉進班清切某搖心雖久識面未能方商律之告窮冀黃堂之善葆

回劉通判狀

竊審拜恩象闕諾仕羊城共誇別駕之賢已作者報

之計某官材猷奮發襟裾粹醇早以畫於外臺即賜
芬於華轍歌功康海煩驥尾之一來得志摩空看鳳
翰之橫絕雖平時闊半面之雅在難克契同心之交
何幸爲邦遂將聯事遠勤芳菲媿不腆亦報章時過
薄寒異自頤於旅食

賀田提刑啓

伏審寵拜恩綸榮將使指上方任德務臻禁網之寬
官必擇賢尤重憲臺之選英塵所暨僉論相欣某官
奎壁孕靈淄澠納度蚤策勛於鴈塔即接武於鸞行
六察去邪仁約張敢言之膽四知厲操湯城勞撫字

登州文正

上

乙

之心爰奉真祠少休故里忍顧玄衣况而豐作雖郡
僚避難以宵奔獨追憑軾之風高出投機之計聚鱣
鯢於孤壘不使橫行庇簪笏之名家盡皆寧處旋致
靈旗之集弗稽蕭斧之誅迄能脫離於妖氛信有護
持之神物偃先聲於桂筦遠應二星迎異數於楓宸
行躋兩禁某離群之闊蹈景已深偶左契之託鄰將
漸餘潤幸繡衣之假道即際清標憑竿牘以據情異
鼎祠之垂意

謝陳經略啓

垂弘紀且慚學易之無聞前牘鑄辭辱過情之善祝

雅懷借重陋質生輝恭惟某官登臺呈材照隣蘊德
貫魯壁鄴家之讀播函京灞岸之工八俊乘輶應景
星於高漢十連植纛洽惠露於遐明少借銀菟即班
玉筍夙厚合符之好曲私踰衣之襲記軫生初禮踰
望外俾爾黃髮欲三壽之作朋遺我綠琴願雙金之
何報

回南恩權州狀

竊審龜筮告猶魚符攝事染華緘而見遺知初政之
甚休某官心術疏通吏材英發盤錯迺彰於利器委
蛇見詠於素絲種韭一畦雅有澤民之志鳴絃千室
共推典郡之能少借剗裁以看潤飾願分携之未幾
在翹邇以彌深願寶生經遂躋榮次

回萊教授狀

竊審拜恩帝宇分職教官枉汗竹以甚勤知往爪之
已及某官學稱經筵譽振儒林絳帳垂堂將應撞鐘
之問褰衣匝序可無鳴鼓之攻即對言綸遂榮朝敵
幸從容之有便異跋履之自頤

回德慶通判狀

受任題輿消辰視篆提封千里講德一詞某官量賦
沉深材推敏妙嘗割雞而小試聊展驥而遠來風月

平分已翱翔於半刺雲霄闊步即騰躍於高衢方念
語離遂勸造許尚闊從容之便第增翹行之思

賀林尚書啓

伏審寵拜耀章進都榮次天官其屬六十久虛常伯
之尊武王有臣三千孰出鉅公之右絲綸所布簪紱
謂宜恭惟某官學富淵量深韜世追風枚賈能緯
典以敷華發采隨和蚤席珍而待聘歷芹宮而假道
陟栢寺以尊朝既接武於夔龍之間遂垂光於虹蜺
之上臺綱克正時高三院之威諫草必焚名重七人
之長妙簡已隆於蠖濩祥輝迺燭於文昌望峻官儀
上星辰而聽履私無賓謁指風月以飛談即踐台榭
共寧邦本某庀官有守贊喜無因體號五雲屢和鳴
謙之誨侯封萬戶未降快覩之心

賀張洪州啓

出綸中禁換節大邦賓客鼎來屢下疑塵之榻山川
改觀一新卷雨之簾聞視象以敷和輒襲綫而贊喜
恭惟某官棟枏聳壑奎壁垂芒和朴隨珠蚤席珍而
待聘潘江陸海能授簡以騁妍若時題品之公自奮
功名之會持貳卿之紫橐承密旨於黃樞備殫獻納
之忠欲試藩宣之寄統如五鼓遂讀吳郡之謠願借

一年久歛桂林之惠莫府既移於閩嶠正堂曾問於
蓋公眷益簡於帝心任復隆於方面令行數月已慰
八州之人色比三台即迎一札之召某自續貂於曩
日不對塵者六秋承乏連疆迺借爪疇之潤指期就
道庶披棠舍之陰商節妻其高牙樂只異鼎裊之勿
爽副簪紱之具瞻

賀呂桂州啓

列職蓬丘摠戎桂筦遠人相語潛銷佩犢之風輿誦
攸歸共起驟鸞之詠吉諧剛日歡動隣封共惟某官
識妙倫魁材高肯祭種學遠窮於丘索吐辭皆中於

卷之五十五

五

五

宮商惠露霑濡最謳唸於名郡華星輝赫聳風采於
外臺方清朝久戢於干戈故重鎮分屯於介冑足食
政勞於心計列城咸肅於指撝遠勤頗收之謀難屈
管蕭之寄遂班內閣來填南垂莫府雄開初笑談而
緩帶居吐安作不愁歎於無襦即迂賜環未容煖席
某情深引脰願禹承顏揚秋居前既自慚於陳迹灌
爪甚羨遂有賴於餘波

賀張福州啓

名簡帝心任隆方面高牙大纛最九牧以橫飛緩帶
輕裘挹三山而坐嘯政新視篆喜浹提封恭惟某官

蒿公稟暉滄澗納度材高盤錯擅多多益辦之稱節
貫險夷玩蹇蹇匪躬之象滄鶩華貫茂著躋功足用
版曹妙幹貨泉之柄耘強圭甸稀聞抱鼓之鳴旣晝
接之益章宜歲遷而感允書殿極儒紳之貴齋壇分
將鉞之雄襄漢上流有賴長城之扞豫章大府久喧
慈父之謠拜寵自天揔戎易地惟閩粵東甌之俗本
會稽南郊之疆邇今日之上都迺一時之重鎮民其
幸矣公實臨之少煩統御之良即叶都俞之會其官
映巖電屢閱秋霜竊念海瀕復借光於鄰燭馳誠叩
仞敢請喜於書郵願言桐鼎之調式副紳綏之望

卷之三十一

一

三

賀黃提刑啓

渥對綸言榮將使指上方任德務臻林下網之寬官必
擇賢尤重憲臺之選馳聲舊部望遐萌恭惟某官
學探九丘文長三變黃連大呂參嶰律以含和北斗
泰山偃儒紳而蹈景蚤接夔龍之武遂我解豸之冠
自結深知式分遠寄乘輅久任周五領之東西宜岸
婁空踰諸公於前後人共期於紫橐命復畀以青氈
雖平反大慰於群情豈獻納可遺於夙德寧容席煖
即以節趨某獲保歲寒款依雲陰承流千里已逾請
代之期借潤一天尚有承顏之便願言冲菑庸副瞻

翹

賀虔州李太尉啓

竊審寵膺息綽榮把州麾籍甚威名洋然謳頌恭惟
某官追蹤細柳經武前茅結髮從戎功屢先於勇爵
執戈衛社忠益顯於周廬提銳旅以鷹揚掃孤城之
蟻聚智謀既運氛祲遂空緩帶輕裘少借蕃宣之重
高牙大纛即聞慶賞之行某講服有年披瞻無日幸
託寶隣之潤聊通書驛之誠

回董梧州狀

宦海聞風恨差池於英矩州符接吟幸假借於餘波

五十一

方聆視篆之新已枉揮毫之况伏惟某官幹時良具
耀穎逸才克全白璧之名久厲素絲之節拜鸞集鳳
駕前錄之美談佩犢帶牛革返萌之舊業少煩游刃
遂逐追鋒念引領之空勞曾論心之未便弟堅鄰好
不腆報章



盤洲文集卷第五十五



